

福建府縣志輯

中國地方志集成

光緒重纂邵武府志
民國重修邵武縣志

中國地方志集成

福建府縣志輯⑩

光緒重纂邵武府志

民國重修邵武縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 10, 光緒重纂邵武府志、民國重修邵武縣志 / 上海書店出版社編. - 上海: 上海書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-福建-邵武縣 IV. K29

中國版本圖書館CIP數據核字 (2000) 第 27761 號

重修邵武志序

自歷代史家有地志也後人祖述其例
於是乎有省志有郡志也若所臥志曠
管也遺徽當昔也懿美臥傳諸來禩者也
邵武為閩中十郡之一而居於省會之西
其地東界建甯建陽南至延平北界樂
西南界汀州也審仁西北至江西建昌
維所統僅四縣而熙春臺瑞樞軒廣祐廟

序

趙王家諸如勝在其中其丹霞寺也讀諸
樓則孝忠定也遺蹟也府治東南也臺議
精舍則何錦也故居也人傑地靈殆可與
省會相頡頏矣夫六合之大而不敢旁稽
博攷致使一代也又獻無徵者史官也過
也四竟也內斗乘也區而不能表微闡幽
致使一方也故實不著者守土也恥也前
邵守張公少儀實懷斯懼爰增脩邵武志

序

一編付也剏賦自張君增脩臥來迄今
八百三十餘年矣以百餘年中豈無忠臣
孝子義夫節婦足臥感發人心者乎又豈
無嘉言懿行文章軌物足臥維持風化者
乎輅使官斯土者皆瞻其徵俾湮沈而莫
也武省而顧欲使臥四縣也民人心曰臥
世風俗曰臥純是猶南轅而欲其北行航
絕橫斷港臥求至於海也豈可得哉歲甲

二

午王雪廬前輩琛誼守茲土抱更化舊治
也志慨賦臥更脩志肅為己任鄭鑑石廣
又受康等襄理其事鬼羅纂輯甫脫稿而
尚未成鼎旋臥量移溫州起篆丙申秋徐
乃秋前輩兆豐相守邵郡續知脩輯臥又
猷政治所關不可不慎重從事復延集官
張珍五太史元奇周松孫山部景濤暨連
江令張韵梅前輩景祁共歲其事於丁酉

命視學

夏間告成計分卷三十標題二十有二冊
繫補漏舉要發凡香取謹嚴考核精審珍
其芳烈何異麟經夢衣也表顯其菁夢曾
無象覺遺珠也慨於臥令邵也人士觀感
有資將見上世教其下也如春也世形而
下也止於上也若響也應聲非特文獻有
徵而且政教也行其不遠矣予奉
學閭中又易寒暑三次按臨邵武深喜其

序

三

命講起居注官翰林院侍讀學士

士夙護厚民陪駟良旨由先哲流風所被
者遠茲乃秋前輩周序於予予既悅此肅
世精確完美而又欣慕前輩也為治能從
事於世本清源而將大有造於邵也於是
乎罪昔光緒二十三年歲陽疆圉歲陰佳
壘津中應鍾生月



重纂邵武府志序

郡縣有志自唐李吉甫撰元和郡縣志始其例實
本周禮春官小史掌邦國之志然周所謂邦國猶
今一省非第為一郡言郡者省之分積郡而成省
積縣而成郡大小殊而形勢一也省無志古今何
所鏡郡無志又何足以徵文攷獻此有省志尤必
有郡志輔之者歟福建通志脩於同治間距今僅
二十餘年邵武志則自乾隆三十五年郡守張鳳

序

一

朝

孫取郡人施鴻稿脩之百三十餘年未有繼之者
原版蕩然無存書亦僅存兩幅其自乾隆以後應
入郡志者通志未之入已入通志者郡志無所係
此則守土者之所滋懼而不敢辭其責者按邵武
舊有宋上官氏和平志元陳士元武陽志略明馮
志劉志夏志邢志魯志今皆不可攷矣即我
康熙九年汪麗日張一魁先後續志亦無從取而
讀之今幸張鳳孫所脩尚存兩副倘並此而無之

邵武一郡不且終無志乎無志以紀之後之守此

所則效而成為一方治耶此志之不容不脩脩之不容不亟亟也顧邵處山嶺間地方瘠薄善畫良非易易經費又不欲取諸民款或不集事遂中寢纂脩之任非博採群書適形其陋然輟轉歲時而未成書時過境遷勢必半途而廢余深悉其弊不敢以難行見阻今幸同志贊成因酌提各屬開款以成之自光緒丙申三月屬稿訖於丁

序

二

酉六月告成舊志所未合例者更之所未詳備者補之複者汰之譌者正之合張志所取施稿為一書計三十卷稍稍完備則亦元和郡縣志例也後有繼者無俟年代久遠而隨時脩輯之以永其傳尤余之厚望也夫

光緒二十二年六月知府鹿邑王琛序



重纂邵武府志序

昔人謂作史之難莫難於志紀傳之詳畧視秉筆者之裁度可繁可簡也若作志則必博稽掌故網羅舊聞以資其考證務使條分件繫網舉目張而無私意增損於其間然後成一代之鉅典郡邑之有志亦若是焉已矣其在通郡大邑魁儒碩彥之所薈萃典章文物

序

一

之所留貽採訪搜輯猶易為力至於窮陬僻壤文獻闕如而又值水火兵燹之餘思欲拾遺訂墜以成一郡之志不亦難乎光緒丙申夏六月余自温州移守邵武適前守王雪廬前輩纂修郡志未卒業而受代迺舉是編以屬余余喟然曰是守土者之責也君為其難吾為其易雖謏陋其庸敢辭謹按邵武有志

自宋上官氏和平志初始於前元陳士元武陽志踵事於後沿及有明郡守馮公孜夏公英邢公址魯公史先後續有修輯而書皆不傳今所傳者惟

國朝乾隆中張公鳳孫所纂蓋繼汪公麗日張公一魁而作也距今百三十年無有起而增修者咸豐丙辰丁巳之歲粵寇雲擾邵武郡

序

二

縣相繼淪陷舊志板片悉燬遺書亦僅有存者若不及時纂輯不且湮沒不彰已乎夫扶輿清淑之氣融而為山川毓而為人物山川之形勢夷險亘古不易可按籍而稽也若人物之應運而起者或以文章道義馳譽於藝林或以忠孝節廉見推於里黨幸而致身通顯則有國史氏為之表章盛烈不幸而棲蹤

巖穴伏處衡茅有欲求沒世之名而不可得者此作志者所以輔國史之不及而於人物一類尤當博攷而旁搜也邵郡僻處巖隅風氣質樸乾嘉以還方聞綴學之儒猶多闡明性理紹龜山紫陽之餘緒者而著述有傳有不傳咸豐之季兵事繁興鄉人士仗義勤王臨危授命者指不勝僂下而匹夫匹婦猶有

序

三

奮其義憤甘以身殉者而姓名有著有不著不有鴻儒鉅筆勒諸簡編則亦泯滅終古已耳今雪廬前輩蒞任未久遂能搜訪遺事表揚志節以垂耀於無窮是則仁人君子之心與作史者發潛闡幽之旨何以異耶余不敏承乏其後竊喜是書之規模體例粲然具備釐然不淆增於前志者奚啻倍蓰且其籌

度經費儲庫以待功不勞而事已集亦何庸復贅一辭惟日率在局諸君子勤加編纂俾得尅期歲事以副前輩誼誨之盛意而余亦得附驥以傳可不謂厚幸矣乎後之守斯土者果能徵文攷獻隨時增輯其不至書闕有間可知也刊既成爰記其崖畧如右以諗來者

序

四

光緒二十四年六月知府江都徐兆豐謹序



明成化丙申知府馮致序

古者左史記言右史記動列國皆有史官掌記朝政此治亂得失之所繫也若夫輶軒徧歷省風問俗亦太史氏之職掌焉今之郡縣古列國也在一縣有一縣之志在一郡有一郡之志在朝廷有天下之志以載山川風土民物之事由來舊矣我太祖高皇帝掃平僭據混一天下自鴻濛肇判以來天下一統之盛未有能過之者天順辛巳大明一統志成頒示四方此卽所謂天下之志也成化癸巳致延鄉貢進士郡人甯堅與之言曰天下之志久成而吾郡之志缺焉不修固我守土者之責抑亦鄉賢者之責也願與吾子修之堅曰郡古

舊序

有專志今漫不復存一郡四邑之事所存者紙不滿百幅所謂掛一而漏萬者也文獻不足尙何所徵致曰予性酷好積書雖不能讀所積之書頗多迺盡出其書商榷凡例悉依大明一統志遵時制不敢僭也或有該載未盡者則各以類附前同知王琳今推官廖鐸皆踴躍贊修已未秋同知王佐通判崔鐸至亦同心協修堅手不停披目不停閱繼日以夜者四年書始成事以類聚目以類分目以引其端事必覈其實爲卷三十有六總若干萬言一郡之典章文物上下數百年之事於是乎粗備郡人許卓暨鄒允祐亦考輯焉大率草創討論修飾皆堅數年刻苦之力若夫訂正潤色則致也實總

其成是雖紀一郡之事然敦彝倫厚風俗崇正道闢異端表忠節斥怪誕重民力固邦本親君子遠小人則又是書倦倦之餘意固知古志不存莫由可考而古今典籍缺者尙多博不足也擇焉未精語焉未詳直筆不若董狐叙事不若左氏雅不足也杵麋五色石密補千孔漏尙俟博雅君子

舊序

二

成化甲辰知府劉元序

成化癸巳前守南元馮師虞暨鄉貢士甯承貞修纂邵武府志凡三十六卷事甚悉言亦文而義亦精矣癸卯元上趨京師舟中再取閱焉自笑識淺見偏意不能無少去取益損於其間也遂編次爲彙十卷明年春三月復抵任公餘詢訪故老搜求遺志得宋上官氏和平志元陳士元武陽志畧又得上官弋陽邵武郡志及存齋之後家藏武陽志乃知郡乘之述作其所由來也非一日矣前志序謂古志存者紙不滿百幅其未見和平等志否耶於是三復披閱參互增損追秋七月始脫稿協力校正則同寅南海劉復之餘千萬一原郡人致仕司訓楊文清也而庠生陳清輩亦與有檢閱校讐之力焉若夫合先後志以精擇之補其闕遺文其無陋則尙有俟於後之君子云

舊序

三

宏治乙丑編修莆田黃仲昭序

邵武府志皇朝成化初郡守馮公孜嘗修之成化末郡守劉公元復修之皆祖元陳士元武陽志畧及宋上官氏和平志而纂集者也論者謂馮志太繁劉志太簡繁則簡帙浩重恐郡人不能盡得也簡則紀載闕畧恐文獻或不足徵也今郡守夏公育才蒞任之初欲周知民情士俗因索而觀之深以論者之言爲然思欲合二志而折其衷并續志所未登載之事以郡之當務尤有急於此者未遑及也旣而嫖剔奸欺撫摩凋瘵人心和而天道應五風十雨連歲大穰至是則郡政修舉罔有缺遺矣乃走書以重修郡志見委予以老倦不能

舊序

四

事事固辭及公六載報政北上貳守陸侯懋昭又申公命遣冠帶義民上官祿奉書幣來莆敦請予又力辭公在京師聞之又託余郡守陳公志學及余友侍御陳君時周道意於余謂必欲一往以慰勤企旣而公畢事重臨復遣郡史朱大輔資道途之費以申前請余感公情意懇切不敢終辭也遂囊書啟行至則台馮劉二志而櫟括增損以成編且隨事敘論俾可見之於行不徒爲空言而已也故於山川則別其夷險以示防守之宜於戶口則較其消長以驗教養之實於土田則稽其萊闢以行勸懲於陂塘則紀其廣狹以杜侵奪於賦稅之徵輸則視歲豐歉而處之有方徭役之徵發則視產高

下而使之適均於風俗則明其美惡而使民知所因革於物產則著其利害而使民知所趨避於學校則示以古人爲學之法於祠廟則示以邪正去取之辨於郡之官僚既類次其歷任之序而復表遺愛以示將來之勸於郡之人物既類萃其先賢之蹟而復著奸佞以示將來之戒此其大都也他凡郡之所有事無巨細莫不皆然雖詞意謬陋無足觀者然爲政君子倘採擇而施行之則其於郡之政治風化亦豈無萬一之助哉公以名進士拜冬官主事邊郎中歷知延平邵武二郡皆綽有惠政在民今復銳志以成是編以爲一郡資治之鑑則其惠政之流衍又宜有涯涘耶是役也陸侯及通守

舊序

五

陽侯元用節推朱侯奎文皆有贊襄之勤而邵武縣尹姜侯桂效力尤多始事於宏治乙丑之三月凡十閱月而脫稿其發凡立例選擇去取則予不得辭其責而輯錄警校則鄉貢進士署邵武縣儒學訓導事何君欽實任之至於採詢事蹟質問疑誤以及提督書人刻工而終始其事者耆民李軒亦與有勞焉

嘉靖癸卯知府邢址序

予守邵陽觀於志載將省風制治是資漢以前遐哉邈矣觀始於吳五胡不足徵也觀於隋唐五季不足徵也載觀於宋元不足徵也觀於今成化丙申前守馮子師虞始遷甯堅採武陽志畧草創之甲辰劉子仁甫兼採和平志刪削之宏治甲子夏子育材聘編修黃公仲昭兼二志而修飾之三志得失異同識者可考而知是非進退之際吾則於甲子志有疑憾焉嘉靖戊戌郡中士大夫僉謂典籍之於邦國如元氣循環流行不可間斷今去宏治甲子將四十年政令之因革人才之興謝建置之廢舉時變之高下及今不作後將奚觀遲

舊序

六

至壬寅址乃以請於大巡徐公南湖公曰吾觀於閩惟晉江陳子見吾庶幾可與此者乃聘陳子址繼又以請於大巡高公雲川公亦曰俞乃述陳子是年四月二十五日陳子至自泉州址迎而謂曰當道諸公與址與邵陽學官大夫及士庶人所望於子者深矣子盍慎諸陳子曰志亦史也自古難之矣愚非其人也何如其爲慎也雖然志之失有三莫大之罪在於失實其次失體其次失辭簡陋疏謬之失不預焉吾惟定體覈實據事直書不文不明之罪吾固不免不公不慎吾知其免矣夫吾又何慎哉乃以五月朔日披簡書九月二十五日落稿觀凡立例提挈綱目貫事爲志皆叙論以發其端

而一其歸趣未嘗不擊節歎賞其善學遷固能採菁晬以下諸家之長爲近時郡志新裁典則也乃若志天文地理王制以法三才列五類以倣五行著二十八篇以比二十八宿作二世家以配流峙則址不敢知陳子亦不敢僭所可知者惟其綱舉道義之宗旨理衆言之亂事即可稽之實體振近志之陋而其是非指義始終不悖謬於聖人此則陳子平生志意獨詣址所深知者也以是有作庶幾以爲資治昭鑑無負當道諸公邵陽學官大夫士庶人之望矣乃遵雲川高公命遂錄諸梓

舊序

七

萬曆丁巳知府魯史序

歲丁巳冬仲余奉上命守昭武浹月而邵武令吳君以郡志成將登本持目示余爲綱者十爲目者九十一爲卷者十二曰是按臺陸公徐公李公所徵修緒紳侯公吳公所哀次而歲薦朱文學謝周上官邱生所參訂者也先生至盡篇而櫛句而比爲此邦簡冊光垂之永永余愛而讀之所記載茲土之實燦如也已又井井如也余不文曷能贅一辭顧郡邑之有志國史之遺也史第記公卿大夫言動之一端而所謂山川土田人物風俗之屬或別有籍而志則靡不採集矣故夫史要而志繁也史褒美譏刺了無虛隱卽君相之威靈世子

舊序

八

公族之隆貴侃然執筆議其後而志則勢家權要有不得不避忌者至所稱引或浮於贊弗顧焉故夫史直而志諛也無已其繁而要之諛而直之以無失古史之意乎不揣僭爲更削稍取諮詢所逮及師儒野老所陳說者而附益焉抑又不勝蒿目而愴心者我國家道化醞濃德澤翔洽今天子壽考錫極登閣上理吾邵宜士奮民殷尤邁成宏嘉隆之世而胡科甲寥寥不得比福泉諸郡什之二閭閻蕭索戶口衰減視肅皇帝末年不啻亡什之三四也其作業奢而耗敗與其食殘股削吏治弗修使然也黃霸之治潁川尹翁歸之治蜀非有强察鉤探摘人之陰若神鬼然而卒之事治民安彬彬禮

讓吾儕之理邵者責將安諉勿謂轉移之機不捷於風草也邇來邇左被兵卒脆而饑竭當事者至括羨積增賦額裁僱役以奉戰士邵當閩極西國萬山之中原澤瘠窄物產薄寡力不能給轉輸將來或不逮今憂方大耳讀志如陸公巖周公時中楊公衡勞來撫集豈非前事之足師者耶高山仰止景行行止是在吾儕矣若乃編輯纂述成此方鉅典則一文士事且諸君子固饒爲之豈惟邵足稱不朽卽他郡國可備裁也卽一代統志可備採也容繁稱與容繁稱與

舊序

九

國朝康熙庚戌知府汪麗日檄

一方之志猶國之有史也卽山水輿區不無可傳法之人爲鑑戒之事或曰安得良史才奮其筆以爲光而忽忽數十年漸移漸遠傳信傳疑久之十不得一百不得一雖欲舉其人如無其人雖欲考其事如無此事雖欲採其人其事於其地如無此地他日輶車過而問焉茫茫塞默此有心之所嗟也余泰涖邵陽其羣峯傑出川流滌紆政簡矣民斯和時甯矣俗亦靖間寓目而興懷感傳聞於前古及按舊志之起訖去今已遠如光澤泰甯兩志則又湮失無稽牧斯土者其將若之何是以思繼起之在人欲傳書而未已然必不可少者述

舊序

十

斯時之事而必不可更者有前此之書其曰十綱曰九十目垂模範於有宋之世取典則於壺公之墟事類秩然義言縷析亦云備矣而立詞工拙去取何從跡有僞真久難辨識則姑存之已耳至於數十年中

天家奠定與世更新此方介在閩西或天行之不淑或人事之多愆或興一而害或革一而利或故老能談遺事乃限以衣冠遂缺佳論或宗牒猶存芳槩乃淪於卑族未獲崇褒或人之才德皆成終於芳蘭深谷願在知希或事之拯濟良多時而託履雲霞翩然竟去或怪事可愕徒爾相忘或奇跡難堪異時乃自安得不彙而存之以迄今之書爲考古之助仍其

條目使觀者易爲解也然尤有言於此由衷立事不貴虛文首藉開齋暫遲延請先商之捐紳先生子矜賢士以及碩抱幽人龐眉逸叟其有擇而錄者剖其隱緒詳其初終一一閱於縣或聞於學先後達之本署庶幾平心衡列想見幽深鶴園琴嘯細加點校余猶不自秘也稿齊之日仍集同事訂核有一人然而衆人以爲然則存之有衆人否而一人以爲然則削之示以至公掣其鄙穢若夫倒置是非燭素短長在涉筆時亦足窺其心矣與衆斥之夫復何辭雖然余之言切余之望殊殷也期於十日以內遞至各所欲言大業煌煌特茲清暇

舊序

十一

康熙丙寅知府張一魁序

余宰濬安欲學海忠介故刻學海堂今守樵陽讀邢公址志故補郡郡志皆余政治譜也昔傳僧祐與其子季珪皆令山陰山陰獄訟繁積父子並著治聲時以爲傳氏有理縣譜不以示人然乎否耶夫時勢不一事變各異風俗不同安所得譜而概之使余以治濬安者治樵未必治也以治樵者治濬安未必治也治理有譜郡邑有志亦師其大意而已樵之有志也自宋上官氏和平志始也元有陳士元武陽志畧又有上官弋陽邵武郡志及存齋所藏武陽志至成化初郡守馮公孜修之後又有劉志夏志今皆不及見惟嘉靖二十二年

舊序

十三

邢公址修志聘見吾陳先生秉筆余得而讀之謹嚴不苟文亦峭潔可誦至萬曆四十七年郡守魯公史所修則收採稍汰文亦委靡矣

國朝康熙九年汪公麗日守邵續之亦多簡畧且舊版多湮新版不接零落未成帙也余暇讀邢志參較近日昔何以人文蔚起多忠正經濟之才今則仕籍寥寥鮮幹國救民之彥昔何以理學昌明接濬洛關閩之傳今則文章庸弱無經術濟世之學昔何以山丹水碧有環玉停膏之蔭今則崩枯傾洩有枯涸寒儉之象昔何以輪將恐後有清樸馴畏之良今則鞭撻追呼有頑梗刁疲之俗雖兵戈之後難遽返舊毋亦司

牧之官治理有遺乎詳考志載中豈無古人所已行可以學步者乎豈無古人所未行自我行之仍不悖於古人者乎志中在昔守令治化之迹事事可稽皆與古循良黃霸文翁龔遂諸君子不相悖者也

舊序

十三

乾隆庚寅知府張鳳孫序

方州之志所以省風察治或數十年而一修或百年而再修未有如邵武府志之閱年久者丙戌冬鳳孫奉

命來守此土謁 觀察嘉應楊公首以茲事相屬曰非其時非

其人皆不可以議此今機緣適遇惟君之任其毋辭退而披

覽前志則明萬厯己未魯守所修本已漫漶殘闕不可卒讀

國朝康熙庚戌汪守續本寥寥數帙空目甚多蓋外史氏之失

掌百五十年於茲矣方欲徵文考獻從事編摩會奉檄權福

州再攝延平閩歲還治乃與邑之士大夫咨詢典故訪求遺

佚前乎魯志者宋之和平志元之武陽志明之馮志劉志夏

舊序 古

志那志皆不可復見即魯志亦無完本惟張氏慶曾家所藏

脫落畧少屬教授鄭君念榮集數十本校補之遂爲全書既

而從鄉先輩李公由中家得康熙二十五年間郡人施鴻爲

張守所作志稿體嚴而義精一以明嘉靖間邢志爲藍本不

惟近者有可徵並遠在二百年以前火湮之書亦得窺見其

面目豈非快事歟時方清晏歲豐人和紳士踴躍集繕寫賈

於是哀聚羣書啟館授筆札俾諸君子參考互訂卽以施稿

爲藍本稍變其例分類纂輯鳳孫時於簿書之暇斟酌損益

折衷於家大人以總其成凡爲門二十有四卷亦如之統計

全部得四十餘萬言經始於戊子仲秋至是脫稿則庚寅閏

五月也昔宋景文撰新唐書自謂事增於前文省於舊斯志

何能與古人爲役顧事求其覈不敢濫也言選其要不敢蕪

也補百五十年未備之典章文物而卷帙有殺無增庶幾藉

手以報臺司之委屬焉耳若乃蒐採之勤筆削之慎考證之

詳實諸君子是賴遺其時又有其人而後可藏事夫豈偶然

哉乾隆三十五年閏五月知府華亭張鳳孫謹序

舊序 古

錄郡人施鴻論

陳見吾先生曰志之失也莫大於失實其次失體其次失辭簡陋疏畧之失猶可補也蓋失實則雖體與辭不失皆恢張之語矣司馬遷父子世官當時朝廷公卿將相皆所交遊故自漢高以後皆實錄也班孟堅以國戚歷漢廷叔皮大家一門繼述陳宗尹敏孟異之徒交相左右故叙事質實無虛謾自是以下雖體辭時有未當亦必以實爲主彼受金索米賤筆貢諛者何取焉予生也晚去明初二百餘年而上官氏和平志陳士元之武陽志畧上官弋陽之邵武郡志存齋家之武陽志皆未得見乃欲以寡陋之胸矜體辭之美竊恐見笑

舊序

六

於見吾先生矣而太守梅葑誤以相屬此所謂蠅蚊負泰山者耶

舊志職名

一成化丙申志

知府馮致 纂修舉人寧堅

一成化甲辰志

知府劉元 纂修訓導楊靖 庠生李成 章泰 朱璽

楊炯 任瑄 吳洪 朱浩 朱瀚

一宏治乙丑志

知府夏英 纂修翰林院編修莆田黃仲昭

一嘉靖癸卯志

知府邢址 纂修舉人晉江陳讓

重纂邵武府志

舊志職名

一志補

邵武縣教諭趙命台 府學訓導柯壽愷

一萬曆丁巳志

知府韓國藩 曾史 纂修郡人陽春知縣侯袞 上猶

知縣吳起龍 貢生朱文興 庠生謝相 邱有成 上

官應宿 周宏機 吳九苞

一國朝康熙庚戌續志

知府汪麗目 纂修教授王候聘 舉人吳迪化 黃金

鉉 拔貢朱宿 副榜張孟玖

一康熙丙寅志纂

知府張一魁 纂修郡人奉天府經歷施鴻

一乾隆庚寅志

知府張鳳孫 徐德峻 黃寬 纂修教授鄭念榮 山

陽縣歲貢任棟 邵武拔貢陳克俞 副貢夏聲 廩貢

李由讓 光澤廩生饒汝梅 建甯拔貢甯人望

重纂邵武府志

舊志職名 二

重纂姓名

總修

邵武府知府王琛

邵武府知府徐兆豐

協修

邵武府同知兼理邵武縣事 葉紹章

邵武縣知縣高淑勛

署光澤縣知縣李麟瑞

署光澤縣知縣鈕承藩

泰甯縣知縣馬世樑

重纂邵武府志

重纂職名 一

建甯縣知縣錢登雲

總纂

花翎同知銜福州府連江縣知縣前翰林院庶吉士武英殿國史館協修 張景祁

翰林院編修記名御史 張元奇

刑部主事前翰林院庶吉士 周景濤

分纂

邵武縣學教諭 鄭受康

邵武縣學訓導 劉炳南

儘先選用教諭邵武縣拔貢生 龔朝墀

直隸州州判邵武縣拔貢生 李杜才